

大日本史

番外書册

和書門類	一三二一六	二七函	一三架	五三册
------	-------	-----	-----	-----

内閣文庫	一三二一六	五三册	三八函	一八架
------	-------	-----	-----	-----

三十九

内閣文庫	番號和	13216
	册數	53 (35)
	函號	138 102

自一百十一
至一百十四



大日本史卷一百一十一

列傳第三十八

權中納言從三位源光圀

修

男權中納言從三位細條

校


● 藤原鎌足

蘇我倉山田石川麻呂

巨勢德太古

多治比島子水守 廣足

石上麻呂子乙麻呂



漢學文庫

橘諸兄

藤原鎌足一名鎌子本姓中臣父御食子為小

德冠系圖○大鏡曰鎌足生干常陸其先天兒

屋根命為瓊々杵尊輔臣其孫天種子命仕神

武有功掌祭祀神皇正統紀職原抄天種子命八世孫大

鹿島命仕垂仁為大光帝建天照太神祠於伊

勢命為祭主大鹿島十一世孫常盤大連仕欽

明始賜姓中臣常盤大連生可多能祐大連御

食子乃可多祐大連子也系圖鎌足皇極三年拜

神祇伯稱病不就退居三鳥孝德龍潛之日與

鎌足相親善會病足不朝鎌足往侍宿其宮帝

素重鎌足容貌志氣難犯敬待特異命寵妃阿

倍氏淨掃別殿設新葺其所須靡不具給鎌足

深感知遇語所候舍人以翼戴之意孝德大喜

當是時蘇我入鹿挾不臣之心鬪鬪社稷鎌足

素忠正慨然有匡濟之志竊察宗室諸王求有

為之主乃屬意於天智帝然踈隔不能通情一

日陪天智蹴鞠於法興寺槻樹下帝鞋隨鞠而

大日本史 卷之百十一 二

脫鎌足跪奉之帝亦跪受之自是相善俱布肺
腑無所伏藏然恐數會人生嫌疑託學周孔之
道於南淵先生每其往來密謀于路無計不相
恟鎌足曰成大事者不可無毗輔今日之計非
得蘇我石川麻呂則不可王宣納其女以為妃
而後與之謀則成功之路莫近於茲帝大悅從
之鎌足往說石川麻呂進其女自是石川麻呂
赤心奉帝鎌足又為佐伯子麻呂葛城稚大養
綱田四年六月三韓朝貢天智告石川麻呂曰

三韓進調之日卿當讀其表我欲入誅入鹿卿
宜知其意石川麻呂諾焉及期天皇御大極殿
入鹿為人多疑晝夜帶劍鎌足教俳優調誘之
入鹿笑而解劍乃入就位石川麻呂進讀表天
智戒衛門府鎖十二通門以紀出入而集衛士
于一所如將賜物天智自執長槍隱於殿側鎌
足持弓矢警備使海大養勝麻呂授匣中兩劍
於子麻呂綱田曰努力斬入鹿子麻呂恐甚以
水送飯即友吐鎌足叱而退之表文將盡石川

麻呂汗流浹背聲嘶手頭入鹿怪問之石川麻呂曰天威咫尺不境而然天智見子麻呂等畏縮不發恐其失機吐嗟而進急擊入鹿中其頭肩入鹿驚起子麻呂揮劍斬其一脚入鹿攀御座叩頭曰臣不知罪請垂天鑒天皇大驚詔天智曰入鹿有何罪天智伏地奏曰入鹿翦滅宗室覬覦神器豈以天孫易亂臣乎天皇即起入內子麻呂細田遂殺入鹿是日大雨潦水溢庭以席覆其屍天智慮有他變入法興寺以備諸

皇子公卿諸臣悉起焉入鹿臣屬謀擁其父蝦夷作亂既而潰散蝦夷亦伏誅皇極遂欲傳位於天智天智告鎌足鎌足曰古人大兄殿下之兄也今殿下越次兼大統恐失恭遜之義而輕皇子殿下之舅也臣愚以為不如讓輕皇子是答民望天智從其言乃密奏之遂立輕皇子是為孝德帝也以鎌足為內臣授大錦冠增封若

于戶平寶字元年藤原仲麻呂言淡海大津宮
皇帝功田一百所賜臣曾祖藤原內大臣乙巳歲功
十二月太政官奏大職藤原內大臣乙巳歲功

田一百町按乙巳歲即孝德大化元年也仲麻呂為天智帝所賜者文雖異而事則一今無所

考詔曰社稷獲安寔賴公力軍國機務惟公處

分公卿補任鎌足懷至忠之誠居官司之上進退廢

置無言不聽白雉五年詔授紫冠增封戶既而

天智帝即位二年十月鎌足有疾帝臨其第親

問所患曰天道輔仁何言之虛積善餘慶猶是

無徵若有所欲言便可以聞鎌足奏曰臣之不

敏生則無益軍國死不欲擾百姓如其葬儀願

從儉素時論稱之尋使大海人皇子就第賜大

織冠授大臣位賜姓藤原因稱藤原內大臣明

日薨帝臨其第使大錦上蘇我赤兄宣恩詔賜

金香爐日本紀○本書注引日本世紀曰內大

鎌足二子長僧定慧入唐留学元享釋書定慧

孕已六月賜之鎌足生男即定慧也盛裏記曰

天智帝賜妃於鎌足生定慧亦無確據今不取

次不比等自有傳初葬鎌足於攝津阿威山定

慧歸自唐改葬于大和多武峯背像祀焉後世

國家將有大變則其像破裂朝廷遣使禱之云

談峯緣起本書曰初鎌足與天智帝會談和州倉橋山藤花下謀誅入鹿因号其地曰談峯鎌

足常謂定慧曰談峯之為地也東連伊勢山西對金剛山南界金峯山北隣大神山其靈勝不下唐之五臺我百歲後卜北城於此則後葉繁衍矣定慧歸自唐憶其言遂改葬十談峯旦創伽藍名曰妙樂寺按談峯緣起不知誰人撰或曰藤原兼良撰其所載事迹與日本紀全同而間有異者悉涉怪言蓋後人剽校日本紀附會以成今不取

蘇我倉山田石川麻呂大臣馬子之孫倉麻呂之子也皇極四年與中臣鎌足合謀誅蘇我入鹿孝德即位拜右大臣同左大臣阿倍倉掬麻呂賜金策日本紀倉掬麻呂者大彥命之裔一名內麻呂又稱大鳥大臣置左右大臣始于此姓氏

錄補石川麻呂有異母弟曰日向字身刺大化

五年譜石川麻呂於皇太子曰臣兄石川麻呂伺殿下遊海濱以為山逆太子信之遂奏于帝帝乃遣大伴狛三國麻呂穗積噓等鞠問及狀石川麻呂曰我當詣關自陳狛等奏之帝乃遣兵圍其宅石川麻呂携二子法師赤拍本書注一名奏道茅渟而奔倭先是長子興志在山田營佛寺聞變迎石川麻呂於今來イナキ擁入佛寺興志欲拒追兵石川麻呂不聽興志猶聚兵欲燒小墾田

宮石川麻呂聞其謀曰汝愛死乎曰否石川麻呂則諭興志及山田寺僧徒曰夫為人臣子者苟橫逆於君失孝於父耶我造此伽藍亦非為身謀一祈天祚之永久也而今被身刺之讒陷不測眾所以逃來于此者欲後容就死也平生忠誠死猶不測乃聞佛殿戶誓曰願生生世世不怨君上遂自經而死妻及三男一女同死其餘後死者多是日大伴狛蘇我日向將兵追石川麻呂及至黑山會土師身采女使主麻呂從

山田寺馳來告曰石川麻呂既與妻子俱縊死於是狛等自丹比坂歸翊日木麻呂日向穗積噓率兵圍山田寺使物部二田鹽斬石川麻呂首鹽拔刀先刎其肉奉而示眾叱咤號呼而斬之允坐石川麻呂事斬者田口筑紫耳梨道徳高田醜雄額田部湯坐連奈吾寺等十四人絞者九人流者十五人既而籍石川麻呂家檢其家資好書皆記曰皇太子之書重寶皆記曰皇太子之物於是太子始悟其冤愧悔哀歎遂以

日向為太宰帥實貶之也時人謂之隱流日本書紀

巨勢德太古雄柄七世孫也日本書紀

字訛乎然本書或曰巨勢臣德本或曰巨勢德陀臣或曰巨勢德陀古臣據之臣不可輒改作

也巨曾祖男人事繼體為大臣補皇極二年德太

古黨蘇我入鹿襲山背太兄王於班鳩宮入鹿

被誅其黨集兵謀作亂德太古奉天智命諭以

逆順賊黨潰散拜右大臣大化五年授大紫續

日本紀廉帝紀稱難波長柄豐崎朝大臣補轉左大

臣白雉元年新羅貢調使知萬沙痕等著唐服

泊筑紫朝廷惡其恣易俗譴責還之德太古奏

曰今不伐新羅後必有悔請自難波津至筑紫

海多泛戰艦以盛形勢召新羅問其罪彼必慄

服無後患矣不聽日本紀奔明四年薨年六十六

補子黑麻呂至中納言小錦中黑麻呂二子曰

邑治曰小邑治邑治本書或作祖事持統帝為

監物坐事罷官後為參河守務大肆大寶元年

從栗田真人為遣唐使大位後為播磨守補右

大辨養老二年任中納言尋為攝津國攝官神

龜元年進正三位是歲薨小色治位後五位上

子堺麻呂堺或作同為邑治所養兼其後事聖武孝

謙朝累遷後三位為參議紫微大弼兼兵部卿

天平寶字二年參預改易官名五年薨續日本紀

多治比島日本紀天武紀上埴葉皇子曾孫多

治比古王第四子也續日本紀補任多治比古王生之

夕臨浴多治花飛浮釜中因為瑞名多治比古

王請賜姓賜多治比公以名為姓存其舊也三代

實錄貞觀八年按續日本紀及補任多治比古王作多治比主據日本紀姓氏錄及正帝生時

有多遲花瑞因賜色鳴宿禰姓丹比宿禰事詳及正紀當併考天武朝島為筑

紫太宰政公賜真人持統朝自直廣貳進直壹

增封通前百戶四年進正廣參拜右大臣增封

三百戶數年請致仕賜與杖假官及資人一百

二十人日本紀文武朝為左大臣優其高年賜靈

壽杖及輿大寶元年授正二位七月薨年七十

八詔遣三品刑部親王正三位石上麻呂就第

予賻續日本紀五子池守縣守水守廣成廣足池守

縣守自有傳水守大寶中為尾張守時持統上

皇將幸參河至尾張賜水守封一十戶遷河內
守和銅初為近江守至後四位下所在有政績
賜田一十町穀二百斛衣服若干入為右京大
夫除宮内卿四年卒子土作至參議後四位上

續日本紀

廣足天平中歷上總守刑部兵部卿勝寶元年
拜中納言二年授後三位寶字初姪ウレカイ養禮麻
呂鷹主黨于橘奈良麻呂敕曰廣足昏老不教
諸姪悉為賊徒如此之人何居宰輔宣辭官以

散位歸第四年薨續日本紀

石上麻呂本姓物部連大連日之後衛部字麻

呂子也續日本紀按本書一本字麻呂作字麻

舊事紀馬古孝德時授大華上氏印大刀食封

十烟奉拜神宮而日本紀及諸書不載今無所

徵壬申之亂帝大友敗走大臣以下皆散唯獨

麻呂從天武帝授大乙上為遣新羅大使踰年


歸授小錦下進直廣參政賜今姓持統朝赴筑

紫監新城尋進直廣壹假資人五十日本進直

大壹文武朝為筑紫總領尋拜中納言大寶元

年改正正三位為大納言兼太宰帥太宰帥此
為其始慶雲元年拜右大臣益封二千一百七
十戶和銅元年累進正二位轉左大臣遷都平
城麻呂為難波京留守養老元年薨年七十八
年據補任帝深悼廢朝遣式部卿長屋王左大辨多
治比三宅麻呂就第予賻贈後一位百姓追慕
無不痛惜又賜其家絕一百端絲四百約綿一
千斤布二百端續曰本紀子乙麻呂
乙麻呂天平中為丹波守陞左大辨坐茲久米

若女流土左後召還歷西海道巡察使常陸守
右大辨遷中務卿十九年授從三位勝寶元年
拜中納言補任曰天平二年三月拜參議今二
據補任一說併考續曰本紀不取二
年薨續曰本紀乙麻呂為人穎秀雍容間雅潛心典
墳兼愛篇翰尤好倭歌懷風藻萬葉集其在南荒臨淵
呼澤寫心文藻著銜悲集二卷傳于世天平中
遷入唐使無出乙麻呂右者因為大使眾悅服
然不果行懷風藻子宅嗣自有傳
橘諸兄難波皇子曾孫治部卿美努王子也續



本紀補任按日本紀美努作三野國語通初名葛城為諸王和銅

叙後五位下補馬寮監天平初累進正四位下

為左大辨三年擢參議明年進後三位續日本紀

葉集曰葛城王奉使陸奧國司祗兼緩急王不悅雅設飲饌不肯宴樂有曰采女左手捧觴右

手持水折也主寮詠倭歌曰鴉瓊瓊加麻耶計敬倍美由留也滿濃為乃鴉瓊幾巨巨路半倭札

於陸奧未知在何年故不書與弟佐為王上表

曰臣葛城等言天平五年故知太政官事舍人

親王大將軍新田部親王宣敕曰聞諸王等願

賜臣連姓敕召王等令問其狀者臣等幸遇恩

教昧死以聞昔輕畀原大宮天皇曾孫建內宿

禰創為八氏之祖永遺萬代之基自此以來賜

姓名氏或真人或朝臣源始王家流終臣民飛

鳥淨御原大宮天皇德覆四海威震八荒太上


天皇內修四德外撫萬民後太上天皇無改元

軌守而不違臣葛城親母贈後一位縣大養攝

宿禰上歷淨御原朝廷下逮藤原大宮事君致

命移孝為忠和銅元年供奉大嘗天皇褒忠誠

之至賜浮杯之橘曰橘者菓子之珍大人所好



柯凌霜雪而繁茂葉經寥暑而不凋與珍玉共
競光交金銀以愈美是以賜汝姓橘宿禰而今
無繩兼恐失明詔伏惟皇帝陛下光宅天下充
塞八挺四民安業萬姓謳衢臣葛城幸遭明時
濫按九卿進以可否志在盡忠夫賜姓定氏由
來遠矣臣葛城等願賜橘宿禰姓戴先帝之原
命流橘氏之殊名詔報曰王等情深謙讓志在
顯親辭皇族之高名請外家之橘姓尋思所執
誠得時宜一依表賜橘宿禰乃改今名

續日本紀元

正上皇適宴皇后宮賜倭歌及酒

萬葉集

九年拜

大納言十年進正三位拜右大臣未幾進從二

位帝幸其相樂別業授其子奈良麻呂位十五

年幸紫香樂諸兄留守五月五日宴宮中皇太

子舞五節帝使諸兄奏元正上皇親詠倭歌帝

授諸兄從一位轉左大臣兼大宰帥勝寶初進

正一位改賜姓朝臣八年致仕

續日本紀按本

先是上皇不豫時諸兄祗兼人佐味宮守告書

大臣飲酒言辭無禮稍有反狀上皇優容不問
大臣知之無幾致仕是時惠美仲麻呂被孝謙
廢竈醜戶彰聞諸兄憤嘆之偶見於言辭耳實

非有及老後奈良麻呂因寶字元年薨年七十

四補年據朝廷遣從四位下紀飯麻呂從五位下

石川豐人等監護葬事官紀資用續日諸兄君

并辛里故稱并辛左大臣又稱西院大臣補任歷代

皇紀系圖奈良麻呂自有傳

大日本史卷一百一十一終

大日本史卷一百一十二

列傳第三十九

權中納言從三位源光圀修

男權中納言從三位細條校

蘇我赤兄

中臣金蘇我果安巨勢人書藥

境部藥壹政韓國犬養五十君

大伴吹負馬來田小子部鉦鉤坂上財

物部朴井雄君三輪子首坂田西

三宅石末 舍人糖蟲 土師真敷 膳摩扁
當麻廣麻呂 羽田八國 大伴友國

文治德 蚊屋木間 加茂蝦夷 多呂治
若櫻部五百瀬 和珥部君手 田中足麻呂

山背部小田 坂上老 縣大養大伴
忌部色布知 民大火 高田新家

書根麻呂
黃文大伴

村國男依

三輪高市麻呂

栗隈王子三野王

大伴安麻呂

近江朝廷紀綱不振卑夔訐謨石虎勲庸咸無

聞焉然而草除之際興廢之會各守所見克行
其志豈天理人心之公不容泯滅者歟苟非如
斯則何以維持綱常乎蘇我赤兄至智尊凡十
八人或死或匿或執或流跡雖各異而終不負
所事故事雖載于本紀甄其姓名以錄于此其
他如佐伯男物部麻呂仕天武累受官爵穗積
百枝物部日向遭執復釋並不得列于此若夫
紀大人倍執爐之盟其罪不言可知矣
蘇我赤兄大臣馬子孫倉麻呂子也齊明帝十

牟婁温湯赤兄為留守會有間皇子謀反赤兄
 乃故皇子乃其黨悉誅之語有間皇子傳天智
 二年拜筑紫率位大錦上四年為左大臣日本紀
 時稱藏大臣時稱據公是歲帝疾大漸赤兄及
 右大臣中臣金御史大夫蘇我杲安巨勢人紀
 大人侍皇太子皇太子午執香炉起盟赤兄等
 同盟天武即位以罪處流日本紀
 中臣金可多能祐連孫糠手子連子也系圖天智
 三年班幣謁神時金宣祝詞四年正月宣神事

是月拜右大臣十一月與左大臣蘇我赤兄等
 盟于西殿壬申之亂帝大友崩于山前天武殺
 金於淺井田根其子配流日本紀
 蘇我杲安天智四年為御史大夫壬申之亂奉
 詔與山部王巨勢人將兵數萬軍于大山川上
 將襲不破既而與人相謀殺山部王軍亂不進
 杲安自犬上還自剽天武即位流其子日本紀
 巨勢人父大海推古朝為小德人天智朝為大
 錦下四年任御史大夫續日本紀為中
 納言大雲未詳壬申之

亂與藤我果安謀軍犬上川及大友崩與子孫

共被流日本子奈氏麻呂聖武孝謙二朝累官

民部卿春宮大夫參議大辨天平中賜金牙

飾班竹杖累遷神祇伯中納言兼北陸山陰西

道鎮撫使為大納言叙從二位天平勝寶五年

薨續日本紀

書藥忍坂大麻呂壬申之亂與葦郡磐歛奉詔

徵兵東國比至不破為伏兵被執磐歛逃歸日本

紀

穗積百足壬申之亂為興兵使者赴倭京營于

飛鳥寺西為大伴吹負被誘殺日本

樟磐手壬申之亂奉詔往吉備徵兵于殺國司

當摩廣島不知其所終日本

田邊小隅壬申之亂將兵越鹿深山卷幟卧鼓

至倉歷定軍號言金以別敵兵夜半銜枚斫營

事出不意營將田中足麻呂不知所為眾悉亂

走足麻呂獨偷號僅免小隅又進襲荊荻野營

為多呂治所邀擊而敗走不知所終日本

境部藥秦友足壬申之亂將兵與村回男依戰
兵敗而死日本紀

壹岐韓國壬申之亂將兵與坂本財戰于衛我
川破之進戰于葦池為大伴吹負所敗不知所

終日本紀

大養五十君谷鹽壬申之亂將兵與村回男
依戰于栗津兵敗而死日本紀

廬井鯨壬申之亂隸大養五十君將兵擊大伴
吹負營不利敗走不知所終日本紀

杜戸大口土師千鳥壬申之亂與村回男依戰

于安河上而敗並被執日本紀

智尊壬申之亂將兵為帝先鋒大戰于瀨田兵
敗死之吉野兵益進官軍不能禦帝還山前自

縊日本紀

天武稱兵其迹不可掩毀信效逆恃彊陵弱遵
養時晦惟有慙德而猛將謀臣雲集影從大伴
吹負至黃文大伴三十五人際會風雲樹立殊
勲率皆識時達變之士也生登采頭死受賻賜

朝廷騎功之典亦可謂優矣置始免出雲拍贍ウツキ香瓦安倍等舊史不記卒年弔賻贈位亦無聞也如其事跡既載諸本紀故不揭于此

大伴吹負タケノ咋子之子也日本紀天武紀曰大伴連男吹負卒以壬申歲

之功贈大錦中位續日本紀曰咋子連子贈大錦中男吹負按本書壬申功臣必書卒吹負功

既非在諸人而間有男字有當時之稱也今定為

一慷慨有大志欲匡濟艱難立名當世察時有

變稱疾居于倭常謂終踐天位者必吉野皇太

弟也及天武入東國吹負留而不從結親族豪

傑得數十人時留守司高坂王及興兵使者穗

積百足營于飛鳥寺西吹負密與留主司坂上

熊毛謀召漢直等戒曰我詐稱高市皇子率兵

出飛鳥寺北臨高坂王營汝等為內應因治兵

百濟家先使秦熊過而呼曰高市皇子自不破

至後兵甚眾營兵聞之逃走吹負率數十騎來

與熊毛及諸漢直等連和營兵悉歸附時百足

自小墾田ハル兵庫輸器伏于近江吹負以高市皇

子命召百足百足至飛鳥寺吹負執而斬之遂

諭高坂王稚狹王從軍又執穗積五百枝物部日向既而釋置軍中遣大伴安麻呂坂上老佐味少麻呂於不破奏之天武大喜拜吹負為將軍於是三輪高市麻呂賀茂蝦夷等諸豪傑多來附吹負選其英俊為別將軍監將襲近江赴乃樂北至裨田有人傳近江軍自河內至吹負分遣坂本財長尾真墨倉墻麻呂民小籾谷根麻呂于襲田佐味少麻呂于大坂賀茂蝦夷于石手道兵各數百吹負自屯乃樂山荒田尾赤

麻呂謂曰右京是根本之地不可不守也吹負乃遣赤麻呂忌部子人於右京赤麻呂等毀橋為楯列街衢而禦守明日吹負與大野杲安戰于乃樂山敗潰僅以身免杲安追至八口見街衢列板知其有備引兵而還數日吹負至墨坂會置始免率千餘騎來援因合其軍還屯金網井招聚散卒聞帝大友兵自大坂至授兵西至當麻與壹歧韓國戰于葦池麾下右壯來日揮力急馳衝陣騎兵繼進大破之斬獲甚多吹負

下令曰方今舉兵者非殺百姓惟誅元凶勿妄
殺矣韓國棄軍而逃吹負來目射之不中斂兵
還營東軍多至吹負分兵上中下三道身自中
道帝大友將犬養五十君遣別將廬井鯨率精
兵二百衝吹負軍麾下兵寡不能拒唯大井寺
奴德麻呂等五人進為先鋒連射鯨軍不能進
三輪高市麻呂置始免進自上道戰于箸陵大
破帝大友軍棄勝斷鯨軍後鯨前後受敵士卒
狼狽軍大亂鯨乘白馬而逃陷泥不能自拔吹

負召甲斐壯士指示曰彼乘白馬者鯨也汝追
取之壯士既及鯨急策馬得脫倭地悉定吹負
進經大坂至難波諸將亦自三道並進至山前
叱于河南吹負留難波小郡令西國諸司獻官
鑰驛鈴傳印天武帝之得天下也吹負功巨多
十二年卒贈大錦中初吹負軍金網井時高市
郡大領高市許梅口噤不能言神憑曰我是高
市社神事代主牟狹神生靈也當以神馬兵器
獻神日本磐余彥天皇嗟我已奉御孫送不破

宮還護本軍今敵軍將自西道至宣早備矣言
託復故吹負乃遣許梅祭陵如神所教並奉幣
二神又村屋神憑祝曰敵兵將至自中道過我
社宣速設備俄而壹岐韓國來自西道廬井鯨
至自中道果如其言事平吹負具狀奏之敕陞
三神位以祀焉日本紀吹負二子祖父麻呂牛養
仕聖武朝祖父麻呂從四位下越前按察使牛
養至正三位中納言續日本紀
馬來田本書一作望多吹負兄也初與吹負居于倭及

天武入東國與黃文大伴追從焉日本紀帝即位

論功封一百戶續日本紀十一年卒帝甚悼之遣泊

瀨王弔之以其累葉之功贈大紫賜鼓吹葬之

日本紀按續日本紀大紫作內大紫子道足補任為安麻呂子未知何據文武

元正聖武朝至參議正四位下南海道鎮撫使

大寶元年賜父封四分之一道足子伯麻呂叙

從四位下寶龜中拜參議宴飲談話頗有風操

光仁寵幸之歷左大辨衛門督中宮大夫加從

三位延歷元年薨續日本紀

小子部鉏鉤為尾張國司寄壬申之役天武入
 不破比及郡家鉏鉤率眾二萬來歸帝喜之分
 遣其兵扼諸道及與近江兵戰鉏鉤匿山自死
 帝曰鉏鉤有功者也無罪自死其有陰謀乎紀
 坂上財壬申之役為大伴吹負禪將事平授大
 錦上帝元年卒贈小紫日本紀
 紀阿閉麻呂壬申之役拜東道將軍天武即位
 優詔褒功二年卒贈大紫日本紀

大分惠尺壬申之役天武使往近江召高市大
 津二皇子及帝至伊勢與大津皇子來會三年
 病劇詔曰惠尺背私奉公不顧身家竭力大事
 以成雄圖朕素欲優寵而今無及黨終不起厚
 報子孫因進位外小紫無何而卒日本紀

物部朴井雄君舊事紀曰守屋子物部雄君連
 公天武帝時賜氏上內大紫冠
 位按守屋被誅在用明帝二年至壬申之
 之亂相距八十八年不足為據故不取
 役以舍人從車駕於東國日本紀天武即位論功
 封一百戶續日本紀四年卒贈內大紫賜氏上日本紀

大寶元年、救賜封四分之一於其子。續日本紀

三輪子首カフ、本書子首或作子足、君首為伊勢、壬申之役降

于天武。日本紀論功封一百戶。續日本紀四年卒、贈内

小紫、謚大三輪真上、田迎君。日本紀大寶元年、救

賜封四分之一於其子。續日本紀

坂田雷、天武四年卒、以壬申功臣、贈大紫。日本紀

紀堅麻呂、位小錦下、天武元年為造、高市大寺

司、七年卒、以壬申功臣、贈大錦上。日本紀

大分雅見或本書見以勇敢稱、壬申之役、後大津

皇子、會天武于伊勢、瀨田之戰、為先鋒、破帝大

友軍、天武即位、為兵衛、六年卒、贈外小錦上。日本紀

祭網子、位小錦下、天武八年卒、以壬申功臣、贈

大錦上。日本紀

星川麻呂、位小錦中。日本紀賜功田四町。續日本紀天

武八年卒、以壬申功臣、贈大紫。日本紀子黑麻呂、

從七位上、靈龜二年、以父功、賜田。續日本紀

三宅石床、為伊勢守、壬申之役、降于天武、位至

大日本史 卷之百十三

十一

小錦下八年卒賜大錦下日本紀

舍人糠夷位大山上天武十年授小錦下卒以

壬申功臣贈大錦上日本紀

土師真敷天武十年卒以壬申功臣贈大錦上

日本紀

膳麻漏位小錦中天武十年疾病帝遣草壁高

市二皇子問疾尋卒以壬申功臣賜大紫賜賻

皇后亦賜賻日本紀

當麻廣麻呂位小錦上天武十三年為直大參

卒以壬申功臣贈直大壹日本紀

羽田八國日本書紀壬申之役為帝大友將與子

大人率族降于天武授斧鉞拜將軍北定越地

位大錦下十一年奉詔書諸國封疆至大辨官

直大參朱鳥元年疾帝為度三僧卒贈直大壹

日本紀

大伴友國壬申之役後天武于東國持統六年

卒贈直大貳賜賻日本紀

文智德日本書紀壬申之役後天武赴東國日本紀

帝即位論功封一百戶賜田四町續日本紀九年授

小錦下持統六年卒贈直大壹賜賻日本子鹽

麻呂後七位上大寶元年賜父封四分之一靈

龜二年加賜田續日本紀

救屋木間持統七年卒以壬申功臣贈直廣參

賜賻日本紀

賀茂蝦夷壬申之役與三輪高市麻呂屬將軍

大伴吹負天武即位授勤大壹持統九年卒賜

直廣參賜賻日本紀

多呂治為美濃安八磨郡湯沐邑令壬申之役

天武命呂治發郡內兵守不破關別將精兵擊

田邊小隅走之位小錦下十一年奉詔與伊勢

王等循行諸國畧畫封疆持統十年授直廣壹

加賞賜以褒元從之功日本紀

若櫻部五百瀨壬申之役後天武于東國日本記

帝即位論功封八千戶續日本紀持統十年卒贈直

大壹賜賻日本紀大寶元年敕賜封四分之一於

其子續日本紀

和珥部君于壬申之役與村國男依發兵塞不

破関後擊近江日本紀天武即位論功封八千戶

賜田八町日本紀位勤大壹率贈直廣壹日本紀子

大石叙外後五位下大寶元年賜父封四分之

一靈龜二年加賜田日本紀

田中足麻呂為伊勢湯沐令壬申之役迎天武

于鈴鹿守倉歷道日本紀位直廣參文武二年卒

贈直廣壹日本紀

山背部小田壬申之役後天武於東國兼命發

東海軍日本紀位勤大貳文武二年卒贈直廣肆

日本紀

坂上老後大伴吹負吹負降高坂王老與大伴

安麻呂等奏狀於不破宮日本紀文武三年卒詔

曰圖勲之義肇自前脩創功之賞歷世斯重所

以旌壯士之節著不朽之名也坂上忌寸老壬

申之役捨生赴社稷之危冒死靖國家之難未

加顯秩奄然隕命宜褒前烈以慰地下因贈直

廣壹賜賻日本紀

縣大養大伴壬申之役後天武于東國日本事

平論功封一百戶位至直廣壹續日本紀八年疾帝

幸其第視之日本紀大寶九年卒遣淨廣肆夜氣

王等就第宣詔贈正廣參賜封四分之一於其

子續日本紀

忌部色布知位正五位上大寶元年卒以壬申

功臣贈後四位上續日本紀

民大火壬申之役後高市皇子會天武于伊勢

位日本紀後五位下大寶三年卒遣使贈正五位

上賜賻續日本紀

高田新家為伊勢湯沐令壬申之役迎天武于

鈴鹿日本紀事平封四十戶位正六位上續日本紀十

三年與輕部足瀨等往信濃造行宮日本紀大寶

三年卒贈後五位上賜賻子首名慶雲元年賜

父封四分之一續日本紀

書根麻呂續日本紀根作尼或禰國語同壬申之役後天武于

東國日本紀帝即位論功封一百戶賜田八町位

後四位下慶雲四年卒遣使贈正四位上賜賻

子馬養正七位下大寶元年賜父封四分之一

靈龜二年加賜田續日本紀

黃文大伴壬申之役奉天武命使于高坂王追

抵免田從駕馬日本紀帝即位論功封一百戶賜

田八町至正六位上山背守和銅三年卒賜正

四位下賜賻子多糠麻呂後七位上大寶元年賜

父封四分之一靈龜二年加賜田續日本紀

村國男依壬申之亂與和珥部君手身毛廣同

奉命發美濃兵三千人以塞不破道男依乘驛

馳至鈴鹿奏其狀帝褒賞之又與書根麻呂和

珥君手膽香瓦安倍卒兵數萬自不破直入近

江破帝大友軍於息長フキナガ橫河斬其將境部藥進

擊秦友足於鳥籠山斬之又戰於安河濱而大

捷獲杜戸大口土師千島既而進至瀨田帝大

友軍遂敗走男依等軍于栗田岡下擊大養五

十君谷鹽手斬之帝大友敗走自縊男依獲其

與諸將詣不破宮獻之日本紀天武即位封百二

十戶賜功田十町續日本紀四年卒贈外小紫日本紀

子志我麻呂大寶元年賜父封四分之一靈龜
二年加賜田位後五位上男依孫島主正六位
上美濃少掾黨于藤原仲麻呂及仲麻呂反朝
廷遣使門閉島主內應歸正勅使以其初逆黨
遂誅之天平神護二年矜其刑不中贈從五位

下續日本紀

三輪高市麻呂日本紀三輪其先出自素盞鳴

命六世孫大國主姓氏錄父曰利金位大率上日續

日本紀壬申之亂大伴吹負在倭招狹豪傑高市麻

呂應馬與置始免將兵大破帝大友軍於著陵

新廬并鯨軍後鯨敗走詔在吹負傳歷中納言

位直大貳持統將幸伊勢高市麻呂上表切諫

帝不聽遂定留守宮於是高市麻呂上位冠于

朝再諫曰方今妨於農時車駕不宜遠動終不

納日本紀○懷風藻曰藤原麻呂過神納言墟

高市麻呂也據之則高市麻呂以諫大寶中歷

長門守左京大史慶雲三年卒于官時年五十

以壬申之功贈從三位續日本紀卒

栗隈王難波皇子子也天智四年拜筑紫帥壬
申之亂帝大友使佐伯男發筑紫兵且戒曰栗
隈王素附吉野若有拒命就斬之男至筑紫王
受符不敢發兵曰筑紫是邊警之地峻城深隍
非為備內亂也今後命發兵一旦有外寇則將
如之何方此之時百殺僕而無益是以不發兵
豈敢方命乎男欲進而刺王王二子三野王武
家王帶劔侍左右不果而歸天武三年拜兵政
官長時四位四年卒日本紀後贈從二位續日本紀

三野王三野姓氏錄作美野國語同位小紫天武九年奉詔

與川島皇子忍壁皇子大錦下上毛野三千等

撰定帝紀及上古事十年有遷都之議三野王

奉詔率宮內官大夫相新城地十二年再與小

錦下采女筑羅往信濃相建都之地持統八年

為太宰帥時淨廣肆日本紀大寶元年始置大幣

司以王為長官歷左京大夫攝津大夫遷治部

卿和銅元年卒續日本紀初王至美濃娶縣大養東

人女生諸兄佐為姓氏錄諸兄自有傳佐為初為

諸王後與諸兄賜姓橘至正四位下中宮大夫

兼石兵衛率天平九年卒續日本紀

大伴安麻呂右大臣長德第六子也續日本紀壬申

之亂從大伴吹負吹負奪飛鳥寺西宮遣安麻

呂等告不破宮事平授小錦中進直大壺日本紀

大寶元年改叙正從三位尋為式部卿參議轉

遷兵部卿轉大納言兼太宰帥進正三位和銅

元年再任大納言後兼大將軍七年薨贈從二

位續日本紀稱佐保大納萬葉集子旅人自有傳

大日本史卷一百一十二終

大日本史卷一百一十三

列傳第四十

權中納言從三位源光圀 修

男權中納言從三位細條 校

小野妹子 孫毛野

坂合部石布 津守吉祥 伊吉博德

栗田真人 坂合部大分 鴨吉備麻呂
山上憶良 伊吉古麻呂

多治比縣守 弟廣成

中臣名代

小野石根

小野滋野 大伴繼人

海上三狩 羽栗翼

上毛野大川 布勢清直

高原源

藤原葛野麻呂

子常嗣

氏宗

小野妹子天帶彥國押人命六世孫米餅搗大
使主命之後也家于近江國滋賀郡小野村因
為氏紹運錄系圖以妹子為春推古朝仕為大
禮十五年為遣隋使鞍作福利為通事隋人呼
妹子曰蘇因高居歲餘而歸煬帝使裴世清從
之報聘妹子歸奏曰臣將還時隋帝以書授臣

路為百濟所掠是以不得上於是群臣議曰夫
使人之職雖死不失旨何失大國書當坐流刑
帝敕曰不可輒罪朕為隋客羞之乃省焉遣飾
騎迎世清等於海石榴市勞之及其歸國朝廷
復以妹子為大使難波雄成為副使福利為通
事再聘明年歸唯福利不來妹子位至大德冠

日本

子毛人位小錦中

續日

毛人子毛野

明年

山城一乘寺邑人發塚得石棺中有一鐵版其
面鑄文曰小野毛人朝臣之墓其下二行細書
曰營造歲次丁丑年十二月月上旬葬其符曰
飛鳥淨御原宮治天下天皇御朝任大政官兼

刑部大卿位大錦上今見在一乘寺邑所謂丁丑天武帝五年也

毛野持統朝為直廣肆九年為遣新羅使赴新

羅日本紀本書不載其歸文武朝進直廣參為筑紫大貳

與大伴安麻呂栗田真人等參議朝政叙正四

位上為中務卿和銅元年任中納言明年叙從

三位七年薨續日本紀

坂合部石布大彥命後也其先允恭帝時奉敕

立國境之標因賜姓坂合部連姓氏錄按坂合部或作境部國

語通續日本紀石布作石敷日本紀有明帝二年作磐嶽而下文及伊吉博德書皆作石布磐

鐵石布亦石布齊明帝二年為遣高麗副使尋

叙小錦下五年為遣唐大使日本紀九月至百濟

南毋分明島又浮海遭惡風漂著南海爾加委

島為島人所殺アソノヤ、アソノ東漢長阿利麻坂合部稻積等

五人奪賊船逃至括到州縣傳送至洛陽日本紀注

引伊吉傳德書按阿利麻等事僅止于此蓋至東京隨副使吉祥朝見而日本紀不載且其歸

國亦無寶字元年太政官奏小錦下坂合部宿

禰石布奉使唐國漂著賊州橫斃可矜依令下

功追褒未緝其功田六町令傳其子續日本紀

津守吉祥佐大山下齊明帝五年為遣唐副使

日本紀海中遭風與大使坂合部石布相失行一

日夜至會稽須岸山東北風無數日至餘姚留

資裝於比田陸路而進至越州府時高宗在東

京遂乘驛入東京日本紀注引伊吉博德書吉祥乃率所差

蝦夷而朝日本紀注引難波男人書高宗問曰本國天皇平

安不對曰天地合德自得平安問曰執事卿等

好在不對曰天皇惠厚亦得好在問曰國內平

不對曰治講天地萬民無事問曰此等蝦夷國

在何方對曰國在東北問曰蝦夷幾種對曰有

三種遠者名都加留次者名麤蝦夷近者名熟

蝦夷熟蝦夷每歲入貢本國問曰其國有五穀

乎對曰無之食肉存活問曰有屋舍乎對曰無

之居深山住樹下高宗又曰使人遠來就館息

勞繼當相見十一月朔旦冬至高宗受賀吉祥

列諸蕃之上我國使者最勝既而客館失火又

有讒者由是得罪尋下令曰來年將有事于海

東汝等倭客不得東歸遂幽于西京困苦經年

伊吉博 德書 吉祥遠孫從五位下国基為任吉神主

世其職至于今圖系

伊吉博德位小山下齊明朝遣唐副使津守吉

祥等在唐別倭種韓智興倭人西漢大麻呂詭

我客客等獲罪唐已共流罪流智興於二千里

外博德在客中奏辨其誣因得免別倭種三字 據日本紀白

惟五年文按本書不載博德名注 博德書今據之其往來皆無所考 當天智稱

制護送百濟司馬法聰等踰年歸大津皇子謀

逆博德黨之持統帝宥而不問擬遣新羅副使

日本紀 大寶中賞與定律令切賜田十町封五十

戶叙從五位上寶字初太政官奏傳切田於子

續日本紀

栗田真人其先出自天足國押人命姓氏錄真人

好學能屬文進止有容新唐書日本傳天武朝授小錦

下進直大肆諳廼授又不許持統朝為筑紫太

宰職獻隼人一百七十四人及布牛皮鹿皮若

于枚賜衣裳日本紀進直大貳文武朝與撰律令

為民部尚書大寶元年為遣唐執節使改位號

授正四位下賜節刀至筑紫風浪惡不得發歸
京師二年參議朝政尋再赴唐至干楚州有人
來問曰使自何國真人曰日本國使此何州界
曰是大周楚州鹽城縣也真人又問嚮稱大唐
何緣改號曰永淳二年帝前太后登祚稱聖神
皇帝國號大周聞海東有大倭國謂之君子國
人民豐樂敦行禮義今見使人儀容太閑豈不
信乎詰畢而去續日至長安見武后賜宴麟德
殿授同膳卿冠進德冠頂有華藩四披紫袍皂

帶

新唐書
日本傳

慶雲元年復命進節刀賜大和田二

十町穀一千斛二年拜中納言進從三位和銅

初為太宰帥尋進正三位養老三年薨

續日
本紀

坂合部大分右兵衛率大寶初為遣唐副使留
居於唐養老中隨多治比縣守而歸授正五位

下
續日
本紀

鴨吉備麻呂

本書鴨或作
賀茂國語通

刑部判事大寶初為

遣唐中使慶雲中以使絕域賜絕綿布欵穀和
銅養老間歷下總守玄蕃頭為河內守至從四

位下遷播磨守管備前美作備中淡路按察使

續日本紀

山上憶良ヲシラ大寶初為遣唐少錄逾年而歸和銅

未至從五位下靈龜中為伯耆守養老中詔每

退朝侍東宮續日本紀聖武朝為筑前守憶良屬文

善倭歌著歌林類聚萬葉集

伊吉古麻呂大寶初後遣唐使入唐慶雲中賞

勞賜絕綿布歛穀本書大寶元年二年慶雲元年書遣唐使始未不載古麻呂而慶雲四年載與吉備天平初至從五位上

麻呂同受賞則入唐剛矣

歷下野上總守

續日本紀

多治比縣守左大臣島子也慶雲中叙從五位

下續日本紀公卿補任按本書和銅三年書以後四位下多治比大縣守為宮內卿攝前後

文字疑階誤且行大靈龜初進從四位下為造宮

卿擢遣唐押使養老元年賜節刀入唐續日本紀○新

唐書日本傳曰開元初栗田俊朝請後諸儒授經詔四門助教趙玄默即鴻臚寺為師獻大幅

布為贄志賞物資書以歸其幅朝臣仲滿慕萃不肯去據續日本紀栗田真人大寶二年如唐

慶雲元年歸按不再往唐書所載栗田者蓋縣守也養老元年當唐開元五年與所謂開元初

使亦此時也合仲滿為副玄宗賜朝服逾年而歸三年正月

縣守率副使以下著唐服朝見尋進正四位下
 為武藏守管相摸上野下野按察使除播磨按
 察四年陸奧蝦夷及殺按察使上毛野廣人縣
 守為持節征夷將軍賜節刀討平之明年遷授
 正四位上凱旋為中務卿續日本紀按本書曰
征討蝦夷大隅薩摩
韋人等將軍已下及右加
差考前後文蓋縣守亦預授
勳之譯語人授勳有
故不遷太宰大貳天平元年擢為參議進後三
 位尋為民部卿三年以諸司推舉擢參議為山
 陽道鎮撫使四年拜中納言為山陰道節度使

進正三位九年薨年七十續日本紀補任其為節度使

也警戒嚴備訓練有方寶龜末敕下其法于因
 幡伯耆出雲石見安藝周防長門等緣海諸國

續日本紀弟廣成

廣成和銅中任下野守為迎新羅使副將軍養
 老中遷越前守管能登越中越後按察使天平
 四年為遣唐大使五年賜節刀入唐六年將歸
 值暴風四船相失逾月廣成漂著多禰島七年
 歸京師上節刀叙正四位上帝觀騎射於北松

林廣成率唐人奏唐樂新羅樂弄擔又獻請益

奏文麻呂問答六卷九年拜參議陞中納言從

三位十一年薨續日本紀廣成好文學有泉石癖初

在廣禰姓丹墀子孫因冒丹墀三代實錄貞觀

宗敕書亦稱丹墀真人八年由江集玄

中臣名代大連御食子曾孫父島麻呂小山下

系名代神龜中授外從五位下天平初叙從五

位下四年為遣唐副使明年入唐續日本紀遭風飄

蕩南海艱虞備至僅得達唐八年貴唐主書江曲

集玄宗敕書率唐人皇甫木朝等三人及波斯國人

李密翳而歸帝臨朝授名代從四位下為神祇

伯坐藤原廣嗣事被流本言失地名今無所考踰年召還

復位十七年卒子鷹主叙正六位上室字中唐

使沈惟岳等送高元度至太宰府朝廷將護送

惟岳等命遣唐使敕造四船於安藝鷹主為遣

唐判官船成至難波一船膠泥破裂因減使人

限兩船授鷹主從五位下為大使賜節刀至太

宰府風波簸蕩敕放還惟岳等令鷹主等歸京



師鷹主歷肥前守武部少卿坐事削籍宝龜中
復位為大判事延曆中為鑄錢長官進從五位
上歷信濃守神祇大副續日本紀子弟拔伊賀守從
五位下系圖
小野石根太宰大貳老子也寶字中叙從五位
下歷南海道節度副使長門守造宮大輔景雲
中將近江从宝龜中為中衛少將兼左中辨轉
中將兼鑄錢長官進從五位上七年遣唐大使
佐伯今毛人等至肥前不得信風今毛人歸京

因罷副使大伴益立藤原鷹主以石根為副使
兼播磨守八年四月今毛人為數石根持節先
發行大使事敕曰大使今毛人為重不堪進途
汝等至唐下牒彼若問無大使宣量事分疏石
根著紫猶稱副使持節行事一如前敕九年正
月至長安朝宣政殿三月見代宗於延英殿及
歸代宗令内使趙宝英等俱來十一月風濤險
惡第一船破石根寶英等没于海明年贈石根
從四位下續日本紀

小野滋野宝龜中為教旨大丞兼下總權公六年為遣唐判官八年赴唐九年十月還至肥前松浦郡橘浦奏言臣滋野等寶龜八年六月候風入海七月與第一舩同至揚州海陸縣八月至揚州大都督府觀察使兼長史陳少游以祿山乱館取彫幣限使人六十人入京師十月臣等八十五人發行百餘里得中書門下牒樽節限二十人臣等請加二十三人持節副使小野石根副使大神ヲホカ未足准判官羽栗翼錄事上乞

野大川韓國源等凡四十三人明年正月至長安城監使特勾當使院禮待優厚中使不絕朝宣政殿乃進國信及別貢代宗大喜班示群臣三月對見延英殿所請皆許賜宴宮中錫物有差四月監使揚光耀宣敕六將遣中使趙宝英等賫報信物往日本國命揚州造船卿等知之及拜辭奏去本國海路遙遠漂蕩不測今中使云往冒涉波濤萬一顛躓恐曠王命敕朕有少信物差宝英等押送道義所在不以為勞乃賜

銀鏡酒以為餞六月至揚州船未成中使奏狀
寄乘臣等船第一第二船在揚子塘頭第四船
在楚州鹽城縣九月臣船得正南風解纜行三
日忽遭逆風船著沙上損壞頗多竭力修造今
月十六日船浮入海二十三日至肥前松浦郡
橘浦唐客隨臣入國迎接祇供一同蕃例臣具
牒太宰府以令準擬唐今天子廣平王名迪按
宗初名倣蓋迪倣音相年五十三皇太子雍王
近當時傳聞用迪字耳名造年號大曆正當十三年敕令滋野等速入

京師初宝英等與小野石根來第一船没于海
唯孫興進等與滋野共來滋野叙後五位下為

豐前守續日本紀

海上三狩敏達帝之裔也姓氏錄勅為諸王勝宝
中賜姓宝龜六年為遣唐判官明年至肥前風
不利大使佐伯今毛人為歸京師三狩等留府
待期時入善之既而如唐比歸漂著耽羅島為
島人所畧留敕遣大宰行少監下道長人於新
羅迎三狩新羅求得三狩隨長人歸為太宰少

貳延曆中至後五位上歷兵部大輔右中辨造

長因宮使續曰子真直延曆中以宿怨殺父妾

婢下獄死類聚國史

大伴繼人左大辨古麻呂子也補任一代要記景雲三年三月

載陸奧白河郡人外正七位下敦大伴部繼人等賜姓敦大伴連宣古麻呂杖死家人配陸奧

年然無明文寶龜六年為遣唐判官八年如唐

九年還惡風破船舳艫各分繼人與前入唐大

使藤原清河女善娘等四十一人來其舳著肥

後天草郡主神津守白麻呂與唐判官等五十

六人乘艫著薩摩靛島郡繼人奏言去年六月

四船同入海七月泊揚州海陵縣八月至揚州

大都督府十月癸途明年正月至長安內使趙

宗英迎接安置外館三月召對奏事四月辭見

敕使揚光耀監送至揚州癸遣乃領留學生歸

京師又差趙宗英賈國信來以結隣好六月至

維揚九月癸揚子江口至蘇州常熟縣候風十

一月五日得信風第一第二船同發八日初更

風浪破棚粮潮水滿船蓋板舉流副使小野石

根等三十八人唐使趙室英等二十五人同時溺死唯臣一人潛行著舳撻角生理絕路十一日五更播倒舳底斷為兩段舳爐分裂四十餘人累居方丈之舳舳欲沒截纜抱柁得少浮出裸身懸坐未水不入口已經六日十三日亥時漂着肥後天草郡西仲島臣之再生敵造所救不任歡幸之至謹以聞入京師進從五位下為能登守改伯耆守延曆中補左少弁續日本紀皇太子以佐伯今毛人為參議中納言藤原種繼

奏罷之太子妻潛殺種繼不得帝幸平城太子留守使繼人及大伴竹良殺種繼帝怒廢太子繼人竹良等以首惡誅事詳種繼傳續日本紀繼人子國通坐父事流佐渡素有文才國宰史就問所疑國中文案皆出其手遇赦入京師弘仁中歷陸奧權從伊勢從宮內民部少輔十四年授從四位下補右中辨拜參議右大辨補以觸諱改姓伴宿禰紀天長中歷兼勅解由長官陸奥出羽按察使相模武藏守至正四位上五

年卒六十一補子善男自有傳

羽栗翼山持乙訓郡人宝龜中為遣唐錄事改
准判官兼敕旨大丞還自唐授後五位下天歷
元年奉敕至難波鍊朴硝延曆中為丹波外改
内藥正兼侍醫又歷左京亮内藏助至後五位

下續日本紀

上毛野大川宝龜中為遣唐錄事歸為大外記
兼山背守延曆中至後五位下為主計頭續日本紀
高原源本姓韓國連與物部同祖其先某武烈

帝時使韓國復命賜姓錄源宝龜中為遣唐

錄事歸與海上三狩等漂著耽羅島三狩等為
島人所拘源率餘衆四十餘人而逃歸延曆中
至外後五位下上表同臣等物部大連苗裔天
物部連等谷因居地行事別為百八十氏是以
源等先祖鹽兒以父祖奉使國名故改為韓國
連帛大連苗裔是日日本舊臣今號韓國及似三
韓之新來至於唱導每驚人聽因地賜姓古今
通典伏望改賜高原許之續日本紀



布勢清直。寶龜中。歷少納言。武藏人。九年為送唐客使。護唐客孫興進等。赴唐。天歷九年歸。至正五位下。為兵部大輔。延曆初。歷民部大輔。上總守。續日本紀

藤原葛野麻呂。大納言。小黑麻呂長子也。補延

曆初。叙正六位上。進從五位下。尋歷陸奧。及少

納言。右少辨。續日本後紀兼春宮亮。歷左右中辨。兼

春宮大夫。伊豫守。遷右大辨。為大宰。大貳。二十

年。為遣唐大使。兼越前守。補臨發。宴餞殿上。一

依漢儀。賜酒御床下。作倭歌。優勞之。葛野麻呂

感泣。左右無不嘆羨。賜御被三領。御衣一襲。金

二百兩。辭見受節刀。會暴風破船。不得進而還。

紀二十三年。累進從四位上。補又赴唐。宴餞殿

上。作樂。賜寶琴一張。經十月。達長安。謁德宗於

宣化殿。二十四年。還自唐。進從三位。大同元年。

再為春宮大夫。紀歷權參議。為真遷。兼式部卿

躰月。為東海道觀察使。補先是。出舉正稅。玄為

恒例。至此。敕諸國。稻有早晚。各任土宜。而畫額

為穀種子難辨宜本者收穎利者納穀不絕本
穎廻充種子本稻之外不得收穎若有過限者
罪官司由是公解利稻年中雜用皆悉令糞葛
野麻呂以為徒勞民力無益於公奏請年中雜
用懃公解等稻罷春為糞後之又奏桑漆之課
具載今條易殖易生養乃成林至于林困公私
申之然國郡官司不務催殖既致闕乏案天平
二年五月六日拾諸國所進桑漆等帳或因循
舊案但改年紀或慮作增減與實不同自今此

後嚴加捉搦依令殖滿每年巡檢申之如遣使
勅會與實不同者國司必加貶責郡司解却見
任自今以後永為恒例然猶積習生常押法無
悛望請下知當道交代分付若不填數者拘留
解由以懲不慎其貶責解任一依先格救許之
自餘諸國亦准之三代格尋為中納言進正三位
兼皇太子傅補任尚侍藥子之寢葛野麻呂嘗諫
上皇不納事敗帝以其與藥子有姻媾欲抵重
罪多入鹿為證前言事遂寢類聚國畧尋遷民部

卿補任弘仁九年薨年六十四紀畧子常嗣氏宗

常嗣少遊大學涉獵史漢諳誦文選善屬文兼

能隸書稟性明幹威儀可稱弘仁十一年任右

京少進遷藏人式部大丞叙後五位下出為下

野守不之任留為東宮亮俄遷右少辨天長初

遷式部少輔兼勅解由次官坐公事左降刑部

少輔既而補藏人頭兼勅解由長官歲中任參

議九年兼下野守右大辨美和元年為遣唐持

節大使兼近江權守明年轉左大辨餘官如故

累進正四位下三年赴唐假正二位賜節刀宰

臣口宣曰使命相通自古而然卿等勿辱國體

且進止溫雅勿為矯異之態判官以下有犯死

罪者從科論決帝御紫宸殿賜宴命五位以上

賦詩送之常嗣進上壽帝為舉盃賜御衣白絹

御被沙金極驩而罷洋中遇風其兩船漂泊太

宰府上言敕符慰之常嗣上表謝罪竟不得進

朝旨因西土彫弊判官以下舟行還京大使副

使聽去留自使常嗣還京任太宰權帥明年三

月又赴唐六年八月歸朝帝御紫宸殿受報書
引常嗣近御坐慰勞久之置酒殿上常嗣具陳
使狀及路中艱難賜御被御衣敕曰遣唐大使
藤原常嗣遠度海濤歷涉殊苦克竟使事得報
而還可不嘉哉其常嗣以下至水干宣進冠位
判官正六位上藤原豐並在唐身亡朕甚愍惜
宣加褒典授常嗣從三位追贈豐並從五位上
自餘判官進位有等是歲遭母喪明年敕起視
事尋薨年四十五近世相襲中專對之選者唯

常嗣父子而已續日本後紀三子興邦文弘葛覽興

邦美和齊衡間累官為東宮亮貞觀中至從四

位下文德實錄三文弘從五位下丹波守葛覽

正六位上日向守尊卑

氏宗仁壽齊衡間任參議補檢非違使別當歷

左近衛中將左衛門督續日本後紀貞觀中

叙從三位進中納言兼左近衛大將轉權大納

言三代實錄補任時詔參議以上論時政之得失藤原

良相紀今守等各上意見久之不報氏宗上疏

大日本史 卷之一百三十三
曰臣氏宗忝以矇昧備列槐棘負荷之憂寤寐
無息日者降詔令進意見公卿宰相儒官賢士
每各輸忠盡誠陳上深謀遠慮爰下公卿吏相
評議日月空過逸為矛盾還恐評議之上更有
復譏之勞氏宗無計愚情之不及誤評一西人
奏狀再三悚愧遂無所裨今望諸臣所追意見
奏狀中无擇要切且以施行皆是抄出古典無
言非道稍隨時宜遂盡其志謹勒管見俯待取
捨填之轉左近衛大將氏宗雅重藤原基經才

器表請讓之不許歲餘進正三位為大納言兼
東宮傅明年拜右大臣辭不許乞割職封之半
且職人資分職田季祿准大納言優詔嘉之唯
聽割職封之半十四年薨年六十四三代實錄
年據補任
輟朝三日贈正二位遣參議在原行平等齊教
告身就第宣賜家人遵遺命不受紀畧子春景式
部大輔有家民部少輔右文圖書頭高範少納
言三代實錄
尊卑分脈
大日本史卷一百一十三終

大日本史卷之百卅三
藤原不比等
...

大日本史卷一百一十四

列傳第四十一

權中納言從三位源光圀 修

男權中納言從三位細條 校

藤原不比等 子武智麻呂房前 宇合麻呂 六世孫富士麻呂 七世孫道明

藤原不比等 日本紀不比等 內大臣 鎌足第

二子也 續日本紀曰大鏡曰天智帝賜子女御於

為朕子既而生男是為不比等系圖曰鎌足有

所忌避養之山科田邊史大隅家因以史為名

然本書無所授直廣肆持統朝為判事賜資人

五十人日本紀文武詔曰所賜藤原朝臣之姓宜

令其子不比等承之但意美麻呂等供神事宜

復舊姓尋進直廣壹與撰律令為中納言大室元

年改授正三位轉大納言慶雲元年進從二位增

封八百戶續日本紀明年疾賜度者二十人又施布

四百端米八十石於京師諸寺禱之公卿初鎌足

修維摩會於陶原家鎌足薨後其會遂廢至是

不比等禱先靈得愈復維摩會限七日至鎌足忌日

其後移置興福寺年中行事○公事根源曰和銅七年復之今後年中行事按

系圖曰不比等設會宮城東第宣即陶原家半今無所考四年喜其世有

勤勞詔追褒鎌足擬武內宿禰賜封五千戶

傳子孫不比等固辭受二千戶以半傳子孫

按本書天平十三年不比等家納其封五千戶於宮朝廷依舊賜二千戶於其家分施三千

此戶於諸國分寺充造丈六佛像之資與此不同蓋不比等雖固辭優詔以全封傳子

孫歛今和銅元年進正二位拜右大臣續日本紀

養老二年任大政大臣固辭不拜系圖為慶雲四年今

後補監修律令四年加授刀資人三十人八

月疾為賜度者三十人詔曰右大臣疹疾漸

留寢膳不安朕視疲困惻隱於心思其平復計無所出宣大赦天下以救所患今日午時以前大辟已下罪無輕重常赦所不免咸悉赦除其廢疾之後不能自存者量加賑恤所在長官親自慰問量給湯藥勤從寬優又令都下四十八寺讀藥師經免官戶十一人為良奴婢一十人為官戶不數日薨續日本年六月十二補任廢朝舉哀內寢後遺言火葬于佐保山推岡遣大納言長屋王中納言大伴旅

人就第宣詔贈太政大臣正一位

續日本年諡

文忠公賜封戶資人一如存日

補任先是藤

原氏未置氏長者至不比等始命為之顯天
平中獻渤海貢物於六陵并祭不比等墓寶
字初勅天下不得稱鎌足不比等名凡姓氏
觸者改之四年敕曰子以祖尊祖以子貴此
則不易之彝式聖主之善行也先朝太政大
臣藤原朝臣者非唯功高於天下又為皇家
之外戚是以先朝贈正一位太政大臣斯雖

據我令已極官位而准周禮猶有不足竊思
勲績蓋於宇宙朝賞未允人望宣依齊大公
故事追封近江國十二郡為淡海公繼室後
一位縣狗養攝宿祢贈正一位為大夫人續
紀本不比等四子武智麻呂房前字合麻呂女
宮子媛文武夫人光明子聖武皇后系圖
武智麻呂慶雲中授從五位下和銅靈龜間
累進從四位上為近江守奏言部內諸寺多
占疆區先不造修虛上名籍所有田園欲自

專利若不釐正恐致滅法人情稍薄釋教陵
遲非唯近江餘國亦然望遍令諸國革弊還
淳從之養老中累進從三位任中納言賜帶
刀資人四人神龜初進正三位增封賜物天
平元年轉大納言兼太宰帥六年進從二位
拜右大臣九年七月患痘瘡帝為下詔大赦
天下以救其病遣左大辨攝諸兄右大辨紀
男入就第授正一位拜左大臣即日薨續
本紀年五十八補遺從四位下中臣名代守監

護葬事官給資用續曰武智麻呂第左房前

南隣因稱南家房前稱北家圖宝字中子仲

麻呂奏請臣父及叔聖代之棟梁明時之羽

翼位已極崇官尚未稱伏願以臣太師之任

推恩南北西左大臣敕許之並贈太政大臣

續曰武智麻呂四子豐成仲麻呂巨勢麻呂

乙麻呂補任以巨勢麻呂為第二子系圖以

二子仲麻呂為第四子乙麻呂據豐成自有傳

之巨勢麻呂為第三子明矣仲麻呂叛臣傳巨勢麻呂宝字中至參議後

三位兼式部卿與兄仲麻呂反誅乙麻呂參

議後三位兼武部卿子曼公初名黑麻呂體

貌長大有威容最曉時務剖斷無滯宝字中

叙從五位下寶龜天應間累陞參議進叙正

三位兼式部卿中衛大將任中納言延曆元

年轉大納言拜右大臣三年進從二位是秋


帝幸其第授子第女從五位上燕飲終日極

歡而罷八年薨年六十三贈從一位續曰世

稱牛屋大臣一代要圖子真友雄友友人真友

至參議兼大藏卿雄友累官大同初至正三位大納言伊豫親王謀不軌雄友告之及親王敗雄友以其外舅流于伊豫弘仁元年赦還復本位授宮内卿明年薨詔贈本官日本紀畧補友人簡率不拘禮度坐伊豫親王事貶下野守本官無所考弘仁初同兄雄友赦還授從四位下出為相摸守十三年卒于官類聚國史房前文武朝奉使東海道巡察政績申理冤枉慶雲和銅間累進從五位下奉命東海東

山二道檢察關梁巡視風俗靈龜初進從四位下養老元年參議朝政五年進從三位元明上皇不豫房前與右大臣長屋王受遺詔特詔房前曰凡家有沈痼大小不安事故卒發汝卿房前當為内臣計會内外准敕施行輔翼帝業永寧國家聖武即位進正三位增封賜物續日本紀神龜中為授刀長官兼近江若狹按察使補任天平初為中務卿轉民部卿續日本紀補任中衛大將大將是為始補任萬葉集日



卷之百十四

本紀神龜五年始置中衛府大將一人而不
書房前為大將補任為天平二年然據萬葉
集天平元年大伴淡贈房前狀書中衛大將
藤原卿元年既為中衛大將今其年月無所
定尋為東海東山二道節度使九年患疫薨
續日年五十七補任系圖賜大臣葬儀其家回辭
不受贈正一位左大臣賜食封二千戶限二
十年寶字四年贈太政大臣光仁時敕以其
功封傳之子孫子永年真楯清川魚名楓麻
呂最頭永年清河自有傳真楯魚名事在永
年傳楓麻呂房前第七子也寶字中遣使八

道問民疾苦楓麻呂為西海道使奏便宜二
十九年敕太宰府隨事處分尋為東海道巡
察使寶龜中至參議從三位兼大藏卿撰津

大夫續日子園人自有傳

字合本書字合或作馬養國詔靈龜中為遣

唐副使叙從三位下養老初還自唐任常陸
守為安房上總下總按察使累進正四位上
遷式部卿神龜元年陸奧海道蝦夷叛殺大
掾佐伯兒屋麻呂字合為持節大將軍討平

大日本史 卷之百十四 七

之振旅入京師帝遣內舍人迎犒近江賞功
叙從三位授勳二等副將軍高橋安麻呂已
下一千六百九十六人賜勳位有差天平三
年始置參議六人字合為之首仍兼卿為畿
內副總官尋改西海道節度使進正三位兼
太宰帥九年患疫薨續紀曰年四十四字合器
字弘雅風範凝深博涉墳典旁達武事雖經
營軍國特留心文藻為當時翰墨之宗有集
二卷傳世系圖懷風藻經以其為式部卿世

稱式家系初字合在太宰府善修軍政號令
嚴明字龜未敕太宰府遵行其法子廣嗣良
繼田麻呂百川藏下麻呂最顯廣嗣良繼自
有傳百川藏下麻呂事在良繼傳田麻呂字
合第五子也性恭謙與物無競天平中坐兄
廣嗣事流隱岐居三歲赦還隱蜷淵山敦志
釋典修行不怠字中授從五位下為南海
道節度副使左虎賁督六年充遣唐副使神
獲室龜間累歷頭要延曆初至右大臣正二

位薨年六十二續日世稱蜷淵大臣要記無

子嗣絕

麻呂養老中叙後五位下歷左右京大夫天
平初進叙後三位為兵部卿拜參議仍兼卿
為山陰道鎮撫使九年鎮守將軍大野東人
請征男勝蝦夷因置路達出羽柵麻呂為持
節大使與副使正五位上佐伯豐人常陸守
坂本宇頭麻佐至陸奧與東人謀發兵因道
分鎮諸柵且戰且進至比羅保許山上書曰

臣麻呂等以去二月十九日至陸奧多賀柵
與鎮守將軍大野東人共議發常陸上總下
總武藏上野下野六國騎兵一千人因山海
兩道夷狄咸疑懼仍差田夷遠田郡領遠田
雄人於海道知我計安壘於山道並以使旨
慰喻鎮撫擇勇健一百九十六人屬將軍東
人分配四百五十九人於玉造等五柵麻呂
等帥三百三十五人鎮多賀柵遣副使坂本
宇頭麻佐鎮玉造柵判官大伴美濃麻呂鎮

三月一日

本書三月作四月今考前後文訂之率使下判官紀

武良士等及騎兵一百九十六人鎮兵四百九十九人國兵五千人計狄降二百四十九人又發部内色麻柵即日至出羽大室驛出羽國守田邊難波將部内兵五百人降狄一百四十人在此驛期三日與東人入賊地閤道而行賊地雪深馬芻難得所以雪消草生

方得發進同月十一日東人廻至多賀柵自道可開道總一百六十里割石伐樹填澗疏峯從賀美郡至出羽最上郡玉野八十里雖山踰險阻而往還無大艱難後玉野至賊地比羅保許山八十里地勢平坦無有危峻狄倅等曰從比羅保許山至雄勝村五十餘里其間亦平唯有兩河每水漲用船四月四日軍屯比羅保許山先是田邊難波狀稱雄勝村倅長等三人來降云聞官軍欲入我村不勝

危懼故來請降東人曰夫狄俘者甚多奸謀其言無恒不可輒信待其重有歸順之語然後平章難波議曰發軍入賊地為教喻狄俘蔡城居民悲窮兵殘害若不許請凌壓直進俘等懼怨遁走山野勞多功少恐非上策不如示官軍之威後此而返然後難波詢以福利懷以寬恩則城郭易守人民永安也東人以為然又東人本計早入賊地耕種貯穀省運糧費而今春大雪倍於常年不得早入耕

種天時如此已違元意夫營造城郭一朝可成而守城以人存人以食耕種失候將何取給旦兵者見利則為無利則止將旦引軍而旋以待後年但為東人猶當自入賊地臣麻呂奏請一將軍鎮多賀柁但為以下多難通賀柁間道入出羽其為要路可見今將引軍還此二句豈欲使東人留鎮多賀柁以使後舉今新道既通地形親視至於後年雖不自入可以成事臣麻呂等愚昧不明事機東人久將邊要斷謀不中加以親臨賊境察其形

勢深思遠慮量定如此謹錄事狀伏聽敕裁

今間無事時屬農作所發軍士且罷且奏是

歲薨續日本紀按救裁及麻呂歸京皆年四

十四麻呂為人辨慧多能善屬文雖才為世

推而耽琴酒常談曰上右聖主下有賢臣如

僕何為唯事琴酒耳及薨舉朝惜焉系圖麻呂小傳

以其為左右京大夫故稱京家子濱成初名

濱足補任系圖累官宝龜中拜參議進叙後三位

為彈正尹補侍從天應元年為大宰帥濱成

以宰輔之胤歷職內外而政無善狀吏民苦

之因降員外帥限置僚仗三人敕大貳佐伯

今毛人等曰三考黜陟前王通典懲惡勸善

往聖嘉訓帥參議後三位兼侍從藤原朝臣

濱成所歷之職善政無聞今受委方牧寄在

宣風若不懲肅何得復效因貶其任補員外

帥莫闢整務但公廨賜帥三分之一府中雜

務事無大小今毛人等行之初濱成之女嫁

氷上川繼及川繼謀反朝廷疑其黨逆救削

大日本史 卷之二十四 三

州府志卷之二十四

參議侍從官延曆九年薨于府年六十七瀆

成畧涉群書頗習術數續日嘗奉敕撰歌經

標式一卷八雲御抄又著天書十卷仁和寺所藏

子繼彥聰敏有識度尤精星曆兼達管絃類

國史實龜末為兵部少輔坐川純事擯于京外

久之赦還為主計頭續日天長中至刑部卿

從三位紀子貞敏少耽愛音樂好鼓琴最善

琵琶兼和中為美作椽尋兼遣唐使准判官

赴唐時唐人劉二郎者善琵琶貞敏贈二百

金請受業二郎即授西三調未幾殆盡其妙

二郎重授譜數十卷以女妻之其女亦善琴

箏貞敏習新聲數曲及將歸朝二郎設袒延

贈紫檀紫藤琵琶各一張貞敏持歸終為朝

廷重器歲餘為參河公歷主殿助雅樂助授

從五位下尋轉頭齊衛中兼備前公天安中

丁母憂解官服闋拜掃部頭貞觀中兼備中

公九年卒年六十一貞敏歷事三代無他才

藝特以善彈琵琶為時所重三代實錄不比

八日六也卷之二十四

三

新編皇朝通志卷之百十四

等六世孫富士麻呂

富士麻呂性溫雅少遊大學頗涉史漢兼便
弓馬仁明在東宮稍被恩遇天長末任東宮
少進尋遷右近衛權將監帝受禪即叙後五
位下轉少將兼和九年伴健岑攝逸勢謀及
富士麻呂與佐伯宮成率勇敢衛士圍而捕
之尋為中將本書佐右字叙後四位下久在
宿衛能得士卒歡心帝稱為右將帥才十三
年出為陸奧出羽按察使赴任之日引見清

涼殿賜衣物嘉承二年召還明年疽發背卒

年四十七人皆惜焉續日本後紀子敏行從

四位上左近衛中將能書工和歌村上帝嘗

問小野道風古今妙書誰為最道風以空海

敏行對焉江談抄尊卑分脈不比等七世孫道明

道明父祖並不顯達寬平中以文學進延喜

中累歷顯要至大納言兼右近衛大將二十

年薨年六十五紀畧為年六十初道明微時

與妻同車往市買物有老嫗謂其妻曰君必



日本史卷之百十四



大日本史卷一百二十四

為大納言之配既而見道明曰女之貴以此

人也江談抄



大日本史卷一百二十四終

